

Supervizor za Distrikt Brčko posjetio Distrikt



Prvi zamjenik visokog predstavnika i supervizor za Distrikt Brčko, Bruce G. Berton, danas je posjetio Distrikt Brčko, gdje se sastao sa gradonačelnikom Sinišom Malićem i zamjenikom gradonačelnika Antom Domićem, kao i sa predsjednikom Skupštine Distrikta Brčko Esedom Kadrićem i njegovim zamjenikom Ivom Filipovićem.

Supervizor Berton se sastao sa predstavnicima novoformiranih vlasti kako bi čuo njihove planove za daljnje funkcioniranje institucija Distrikta Brčko u toku ovog mandata. Supervizor je izrazio očekivanje da će predstavnici novih vlasti u Distriktu nastaviti podržavati dobre međunacionalne odnose u Distriktu i da će raditi za prosperitet građana Distrikta Brčko.

Supervizor Berton je također iskoristio priliku da informira predstavnike Distrikta Brčko da je predsjednik Međunarodnog suda pravde Ronny Abraham imenovao ambasadora Johna Clinta Williamsona na mjesto predsjedavajućeg arbitra za Distrikt Brčko, nakon smrti arbitra Robertsa B. Owena.